

易簡新編



醫

學

易

簡

新

編

刊

行



同治十二年歲次癸卯
十月朔溫處衛署開雕



重刻醫方易簡新編序

古者醫固無方漢張仲景始以

著後之學者得其一知半解皆

可以起死而肉骨故至今奉為醫

聖晉葛稚川編集肘後卒救方而

陶宏景楊用道先後附益之是



南京中醫藥大學圖書館藏

為衮集醫方之始唐之外臺并
金著錄尤備其時玄古未遠
得專門秘授之遺宋政和大觀
中名醫奉敕編著方書如聖濟
總錄太平惠民和劑局方類皆
精審不苟金元以來始分門戶



河間易水之學各明一義即
孰一偏厥後名醫輩出入至
奴改詆掎擊不遺餘力論愈雜
而方愈繁求所謂易且簡者愈
不可得迨我

朝敕纂醫宗金鑑一編首訂傷



中醫藥大學圖書館藏

寒金匱二書次即刪補名醫方
論大成之集於是乎在然卷帙
浩繁鄉曲之士不能家有其書
亦不能遽窺其奧遂有竊記藥
性賦湯頭歌一二篇揚名市肆
者日殺數人恬不為恠无妄之疾



輒至天閑余甚憫焉昔官京
得黃伯垂太史所刻醫方易
新編於一切疑難雜證及救急諸
方罔不羅列又兼綜各家取裁宏
富誠善本也在甌數年豈受濕
疾今歲右臂痛痺復患腫病纏





綿數月未獲就痊養病之暇取
編所刻方試之良效因板存京
謀重刊以廣其傳遂倩賓僚校正
謬謬刪除重複視原本又稍潤色
焉付之手民凡四閱月工竣是書
卷帙不多易於繙閱余既喜其便



携行篋而尤便於窮鄉僻壤顛
連告之氓也因攷方書之原委
而述是刻之類末如此若夫醫學
之源流診治之利弊羅耕生師序
之詳矣余不敢復贅一詞云

同治十二年歲次癸酉嘉平月

立春前三日儀徵方鼎銳撰並書



醫方易簡新編原序

季序

黃太史伯垂余戊戌分校禮闈時所薦士也居恆敦善不怠近出所刊醫方易簡編問序於余披閱一過喜其類別門分簡而易行洵屬有裨於世昔程子云一命之士當存心濟物伯垂困名場者幾廿載其中南北奔馳日不暇給而每欲成是書爲濟物計又復兼資衆力或分輯或分校或分任鳩工其孜孜爲善之心庶幾程子之意歟歲庚戌書甫成伯垂適成進士登瀛洲亦足見福善之應豪髮不爽矣惟是善量無窮擴充爲貴異時洊履清華歟歷中外更推是心以爲仁愛之術其所濟不愈大哉余嘉伯垂之志爲弁數語卽以加勉焉咸豐元年歲次辛亥孟春江陰季芝昌書

羅序

醫方易簡編者龔君月川所撰也黃君伯垂將付手民壽諸剞劂屬余首路導其引嚮余中古之書罕捃夫殘竹上池之水未飲夫長桑奚足以祓飾芝函揆

張藻翰然觀龔君名篇之意黃君樂善之公易知易從挾乾坤之蘊欲立欲達
宏博濟之方詳其旨趣有可言焉夫藺茹傳卵雀之丸麥鞠寄河魚之鱖杏初
方齊於此權輿泉乎八十一難越人闡其鏡經百十三方長沙洞其機要王戎
孫褚並軌爭趨劉李張朱聯鑣競轡或緣經以立訓或通變以設權或發難以
抵疑或矯枉以糾謬莫不楷撫後進圭臬前徽而薪傳既遙枝分愈遠津逮之
塗則一同源之派易岐厥蔽所存其流有四史公鈞奇敘援熊之夢干寶誌恠
傳療龍之神不過搜方伎之壤聞資文章之琬飾而萍蓬餘瀝豔說乎挂蛇榆
莢懸癰侈徵乎剖蛤是有神功無關要訣好奇之蔽其流一也養性養命中和
筦其樞齊剛齊柔涼燠區其用卽亢害而承制必陽祕而陰平乃論宣明於暑
火蘖苦不辭蒸靈液於水雲桂辛是餌石火三斗陳冰一盤見偏之蔽其流二
也司天有化氣辨夫客淫帝問無方功憑夫砭刺而九鍼之名莫究七元之運
易差必欲揣量奇經權衡尅勝則青囊晦曖卷已軼乎丙丁黃道推遷紀久訾
乎甲子泥古之蔽其流三也醫者意也神契夫臨幾方者倣也義宗夫成法故

華專處齊稱量乎分銖敬輿集方博求乎經驗而或心昧成獲臆逞圓機古人欺我謂金匱之可刪大藥何名譬玉卮之無當師心之蔽其流四也四者訟流更生三惑無洞垣之明有獵名之術輟聞禁要居然九折之肱慙習方書遂註千金之翼飛豪走翰淵乎莫窮按脈循經茫無一驗此一惑也黨同伐異別戶分門言各成於一家書未窺夫三世宗景岳之論遽詆河間讀節菴之篇翻疑仲景窺豹不全測蠡自隘此二惑也又其下者家傳舊業則享帚獨矜技擅專科則席珍是祕非有龍宮之禁爭爲蠅利之營宋人泝澣之藥祇以得金元禮薈萃之傳謀諸胼胝醫非小道人有市心此三惑也則欲鏡四流之謬祛三惑之滋埽正路之荆榛發神功於草木今之作者意在斯乎龔君博習奇書少承家學憫國工之不世冀婦孺之咸知綱舉目張可按圖而索驥振裘挈領豈岐路之亡羊又得黃君勤爲商摧廣厥流傳抱樸肘後之方纂成於宏景論衡枕中之秘不靳於伯喈美合難并相得益彰矣余與黃君夙相知契重以婚姻見其行穆純脩家傳陰德爲善最樂訓稟於鯉趨博愛謂仁澤覃夫蟻渡是知枝

駢棣萼秀擢木天籍註蓬萊臚宣朵殿世德作求積善餘慶有自來也至其取材之當體例之精諗之作者自有定評余非專門無煩覩縷已

咸豐元年歲在辛亥夏至前三日順德羅惇衍撰并書

黃序

癸卯余侍家大人蒞任武林秋病痺不能行幾兩閱月爰取各醫書朝夕尋玩其中簡便易行者隨手錄出逮病痊共得七百餘方質之仁和龔月川茂才茂才尊人砥庵先生庭訓暇時閒及醫術故茂才家多自輯醫書及經驗良方有求治病者遇證與方合依法施治未嘗不應手而奏効也因屬出其所纂與余所錄合成一編釐爲六卷更俛陳穎泉諸君反覆參訂乙巳始歸諸余適余與番禺何藻屏孝廉同返粵孝廉素善岐黃因屬其再加釐正焉己酉秋郵至虔南謂是書雜症各方頗爲詳備通都大邑不乏良醫固無藉此若遇遐陬僻壤辨證者尠得此發矇不無小補因勸以付梓歲庚戌余忝膺館選木天課餘復與里人譚仙瀛連小雲雲湘辛絅裳黎敦夫共校一過遂偕賴雪舟同年約諸



同志鋟板以公諸世顏曰醫方易簡新編竊取大易示易示簡之義云爾
咸豐元年歲在辛亥夏至前一日鳳城黃統謹誌



醫方易簡新編校刻姓氏

儀徵方鼎銳子穎氏編校重刊

參校

江都郭鍾岳外峯

溧陽彭祖培厚甫

錢塘諸乃方嗣香

吳縣石祖芬子元

校對

甘泉毛鳳起小珊

儀徵馬振聲佩璜

儀徵程怡粹含

江都張燧小谷

丹徒法堯臣晉臣

